

**ÁKVÖRÐUN SAMEIGINLEGU EES-NEFNDARINNAR
nr. 121/2012****2012/EES/56/18****frá 15. júní 2012****um breytingu á bókun 31 um samvinnu á sérstökum sviðum utan marka fjórþætta
frelsisins og bókun 37 með skrá sem kveðið er á um í 101. gr. við EES-samninginn**

SAMEIGINLEGA EES-NEFNDIN HEFUR TEKIÐ NEÐANGREINDA ÁKVÖRÐUN

með vísan til samningsins um Evrópska efnahagssvæðið, með áorðnum breytingum samkvæmt bókun um breytingu á samningnum um Evrópska efnahagssvæðið, er nefnist „samningurinn“ í því sem hér fer á eftir, einkum ákvæða 86., 98. og 101. gr.,

og að teknu tilliti til eftirfarandi:

- 1) Bókun 31 við samninginn var breytt með ákvörðun sameiginlegu EES-nefndarinnar nr. 101/2012 frá 30. apríl 2012 ⁽¹⁾.
- 2) Bókun 37 við samninginn var breytt með ákvörðun sameiginlegu EES-nefndarinnar nr. 61/2012 frá 30. mars 2012 ⁽²⁾.
- 3) Rétt er að auka samstarf samningsaðila þannig að það taki til reglugerðar Evrópuþingsins og ráðsins (ESB) nr. 912/2010 frá 22. september 2010 um að koma á fót Evrópustofnun um hnattrænt gervihnattaleiðsögukerfi, um niðurfellingu reglugerðar ráðsins (EB) nr. 1321/2004 um að koma á fót stofnunum til að annast rekstur evrópsku áætlananna um fjarleiðsögu um gervihnött og um breytingu á reglugerð Evrópuþingsins og ráðsins (EB) nr. 683/2008 ⁽³⁾.
- 4) Af þessum sökum ber að breyta bókun 31 við samninginn til þess að þetta aukna samstarf geti átt sér stað. Að því er varðar aðild Noregs, skal í þessu tilliti jafnframt höfð hliðsjón af samstarfssamningi um leiðsögu um gervihnött milli Evrópusambandsins og aðildarríkja þess og Noregs ⁽⁴⁾, einkum ákvæða 6. gr. um öryggi. Sökum efnahagslegra örðugleika skal þátttöku Íslendinga í áætlunum um fjarleiðsögu um gervihnött þó frestað um skeið.
- 5) Til þess að tryggja góða framkvæmd samningsins ber að víkka gildissvið bókunar 37 við samninginn þannig að hún taki til faggildingarráðs um öryggisviðurkenningu fyrir evrópskt hnattrænt gervihnattaleiðsögukerfi og stjórnarinnar sem starfa samkvæmt reglugerð (ESB) nr. 912/2010 og breyta ber bókun 31 þannig að fram komi hvernig staðið skuli að aðild.

ÁKVÖRÐUNIN ER SVOHLJÓÐANDI:

1. gr.

Ákvæði 1. gr. (Rannsóknir og tækniþróun) bókunar 31 við samninginn breytist sem hér segir:

1. Texti 8. mgr. hljóði svo:

„a) EFTA-ríkin skulu taka fullan þátt í Evrópustofnun um hnattrænt gervihnattaleiðsögukerfi, „stofnunin“ í því sem hér fer á eftir, sem starfar samkvæmt eftirfarandi sambandsgerð:

- **32010 R 0912:** Reglugerð Evrópuþingsins og ráðsins (ESB) nr. 912/2010 frá 22. september 2010 um að koma á fót Evrópustofnun um hnattrænt gervihnattaleiðsögukerfi, um niðurfellingu reglugerðar ráðsins (EB) nr. 1321/2004 um að koma á fót stofnunum til að annast rekstur evrópsku áætlananna um fjarleiðsögu um gervihnött og um breytingu á reglugerð Evrópuþingsins og ráðsins (EB) nr. 683/2008 (Stjtið. ESB L 276, 20.10.2010, bls. 11).
- b) EFTA-ríkin skulu taka þátt í kostnaði við starfsemi sem um getur í staflið a) í samræmi við ákvæði stafliðar a) í 1. mgr. 82. gr. og bókun 32 við samninginn.
- c) EFTA-ríkin skulu taka fullan þátt, þó án atkvæðisréttar, í störfum stjórnar stofnunarinnar og faggildingarráðs stofnunarinnar um öryggisviðurkenningu.
- d) Stofnunin er lögaðili. Hún skal njóta í öllum ríkjum samningsaðila ítrasta réttshæfis og gerhæfis lögaðila samkvæmt löggjöf samningsaðila.

⁽¹⁾ Stjtið. ESB L 248, 13.9.2012, bls. 39, og EES-viðbætur við Stjtið. ESB nr. 50, 13.9.2012, bls. 45.

⁽²⁾ Stjtið. ESB L 207, 2.8.2012, bls. 41, og EES-viðbætur við Stjtið. ESB nr. 43, 2.8.2012, bls. 49.

⁽³⁾ Stjtið. ESB L 276, 20.10.2010, bls. 11.

⁽⁴⁾ Stjtið. ESB L 283, 29.10.2010, bls. 12.

- e) EFTA-ríkin skulu beita gagnvart stofnuninni Bókun um sérréttindi og friðhelgi Evrópubandalaganna.
 - f) Þrátt fyrir ákvæði a-liðar 2. mgr. 12. gr. ráðningarskilmála annarra starfsmanna Evrópubandalaganna er forstjóra stofnunarinnar heimilt að gera ráðningarsamning við ríkisborgara EFTA-ríkjana sem njóta óskertra borgaralegra réttinda.
 - g) Með skírskotun til 3. mgr. 79. gr. skal VII. hluti samningsins (Ákvæði um stofnanir) gilda um þessa málsgrein, að frátöldum ákvæðum 1. og 2. þáttar 3. kafla
 - h) Að því er varðar beitingu þessarar reglugerðar skulu ákvæði reglugerðar Evrópuþingsins og ráðsins (EB) nr. 1049/2001 frá 30. maí 2001 um almennan aðgang að skjölum Evrópuþingsins, ráðsins og framkvæmdastjórnarinnar einnig gilda um þau skjöl stofnunarinnar sem varða EFTA-ríkin.
 - i) Gildistöku þessarar málsgreinar skal frestað að því er Ísland varðar þar til sameiginlega EES-nefndin ákveður annað.
 - j) Málsgrein þessi á ekki að taka til Liechtensteins.“
2. Eftirfarandi bætist við í a-lið 8. mgr. a:
- „eins og henni var breytt með:
- **32010 R 0912**: Reglugerð Evrópuþingsins og ráðsins (ESB) nr. 912/2010 frá 22. september 2010 (Stjtið. ESB L 276, 20.10.2010, bls. 11).“

2. gr.

Ákvæði bókunar 37 við samninginn breytist sem hér segir:

1. Texti 30. og 31. liðar falli brott.
2. Eftirfarandi liðir bætist við:

„36. Faggildingarráð um öryggisviðurkenningu fyrir evrópskt hnattrænt gervihnattaleiðsögukerfi (reglugerð (ESB) nr. 912/2010).
37. Stjórn (reglugerð (ESB) nr. 912/2010).“

3. gr.

Ákvörðun þessi öðlast gildi daginn eftir að síðasta tilkynning samkvæmt 1. mgr. 103. gr. samningsins berst sameiginlegu EES-nefndinni (*).

Hún kemur til framkvæmda 1. janúar 2012.

4. gr.

Ákvörðun þessi skal birt í EES-deild *Stjórnartíðinda Evrópusambandsins* og EES-viðbæti við þau.

Gjört í Brussel 15. júní 2012.

Fyrir hönd sameiginlegu EES-nefndarinnar

Gianluca Grippa

starfandi formaður.

(*) Stjórnskipuleg skilyrði gefin til kynna.